

րոց յանձն էր ղեկ Արքունի Կառավարութեան, լեալ էին պաշտպան Յունաց, մանաւանդ թէ 'ի սաղրելոյ սոցին լարեցաւ որոգայթ Հայոց, և չէր հնար ումեք առնել զիրս ինչ արտաքոյ կամաց սոցին, որոյ վասն դժուարին էր Հայոց զերծանիլ յորոգայթէ անտի, և կամ մերձենալ առ նոսա, այլ իրեւ զիրօճ մատեաւ առ Իպրահիմ քահայ Կեսարացի Կիւլպեան Յակոբ աղա, զի սիրելի էր նմա. այլ ընկալաւ 'ի նմանէ պատասխանի' չյիշել միւսանգամ զխնդիրն. զի ամենեքին երդուեալ եւ նըզլիւք փակեալ էին լինել 'ի կողմն Յունաց, Ապա հարկ լինէր Հայոց սպասել պատեհ ժամանակի :

Յոյնք 'ի Կոստանդինուպօլիս 'ի ձեռն Երուսաղէմացի Մուսա էֆէնտեայ, որ դպրապետն էր յառաջագոյն 'ի դատարանն Երուսաղէմի եւ բարեկամ Յունաց, առեալ էին զիւրմն Հայոց, զոր առաքեալ էին յԵրուսաղէմէ, և 'ի սոյն միջոցին առաքեցին զայն առ միաբանս իւրեանց, եւ Փոխանորդ նոցին կոչեալ զդպրապետ դատարանի' բարկութեամբ հարցանէ թէ ընդէ՞ր ետուք զայդպիսի զիր Հայոց, և կամ ընդէ՞ր ոչ ծանուցիք մեզ. և նա հարցանէ, ո՞րպէս 'ի ձեռս բերիք զայս գիր, ասէ. ոսկին զամենայն ինչ կատարէ, և բւնադատէ զայրն յորդորել զդատաւորն տալ զիր հակառակ Հայոց, այլ դատաւորն ոչ կամեցաւ :

Իսկ Յակոբ Եպիսկոպոս և Պօղոս վարդապետ ջան 'ի գործեղեալ անդադար աշխատէին և դեգերէին 'ի դրունս մեծամեծաց : Լուեալ Յունաց զխլրտիլն եւ զընջիւն Հայոց, կազմեցան եւ նոքա հարկանիլ 'ի դիմի, հանեալ 'ի հրապարակ զգալոնի մեքենայս իւրեանց, և տարեալ ցուցանէին մեծամեծաց Դրան զվաւերական դրեանս իւրեանց, իրրեւ թէ նոքօք ժառանգեալ են զՍ. Տեղիս, եւ Հայք յանիրաւի յափշտակեալ են զայնս : Իսկ նախարարք իրրեւ իրաւարար խնդրեցին եւ զհրովարտակս Հայոց տեսանել թէ ո՞րպիսի օրինակաւ տիրեալ են տեղեացն այնոցիկ, և զյափշտակեալն 'ի Յունաց դարձու սցեն առ նոսա : Փոխարէն բազմաթիւ դրեանցն Յունաց՝ մատուցին զօրինակս հրովարտակաց առ Ղալիպ Բէիդ էֆէնտի 'ի ձեռն Կեսարացի Պաշ Պազիրիկեան Յովհաննէս Աղայի, խմանալ զմիտս նոցա : Եւ նորա առեալ պահեաց զնոսա առ իւր. և խընդ-